

尚

綱

堂

集

尚絅堂詞集卷一

陽湖 劉嗣綰 醇甫

爭船詞

臨江仙

團扇不隨煙霧去有人鸛背相招銀河清淺夜迢迢一痕
新月還似古時嬌記得元壇攜手日仙姝多半垂髫碧
城回首夢無聊嫩涼如水吹斷紫雲簫

桃源憶故人

春人占了鶯花命春也似人心性約畧東君初聘柳色青
於鬢明日陰晴還未定待燕子歸來相訂欲問天涯芳
訊門外天涯近

謁金門

簾幙底風信廿番深矣
恰恰鶯聲如夢裏花神呼不起
望斷曉雲千里宿雨一林初洗
彈指春光能有幾看看成
燕尾

邁陂塘

怪風姨落紅成陣催他鷓鴣都老
東君著意留花住無奈
護花鈴小窗窅窅可是梨雲深處
茶煙裏幾番清曉歎
紫玉銷來綠珠墮去一碧倩魂遠
春深矣記取前時懷
抱鬢絲吹冷多少瑤壇儘有仙人帶
祗分玉階閒掃花懊惱
算除了蓉城底處埋愁好倚闌吟
悄待喚起啼鵲聲聲
血淚商畧送春早

減字木蘭花

殘鐙一點曉夢歸來窗半掩紙帳相思又是梅花獨笑時
春愁如此絮盡空梁雙燕子問訊鸚哥簾外輕寒睡得
麼

臨江仙

竹簾

翡翠雙雙鳴不斷湘天翦取吟窩此君瀟灑定如何春情
三月雨殘夢一重波依約玉人亭院冷如今只長煙莎
夜明空說卷秋河舊時風骨減著處淚絲多

蜨戀花

佳人雪藕絲卷子

華井船來應到岸倩影亭亭度出污泥幹誰是浣紗谿上
伴一彎玉臂平分半就裏蓮儂何處喚心曲玲瓏雪與

蕭郎看到底藕絲容易斷如何錯怪風吹亂

風馬兒

一枝煙櫺雁迢迢是風一聲搖雨一聲搖直到門前不斷
小紅橋條條那回一別最魂銷便山一重遙水一重遙
安得郎身來往似春潮朝朝

菩薩蠻

送彥佐兄之楚中

秋來唱盡銷魂句送君又宿離亭去去去向潯陽四絃空
斷腸江頭雲樹黑一片傷心色行不得哥哥鴈鵠聲奈
何

酷相思

七夕立秋

橫斷明河天未曙金井露銀塘雨向蟋蟀聲中間聽取秋

來也愁如許愁來也秋如許 苦憶穿鍼樓上侶卻笑癡
牛女便瓜果筵開空覓句人盡也鐙無語鐙盡也人無語

卜算子

風露下秦樓一逕花陰滑回首梧桐月又西小剗香堦襪
鸞鏡傍妝臺自理青絲髮驀地相逢無一言留作相思
札

菩薩蠻

迴文

落花愁擁新寒薄薄寒新擁愁花落春好惜歸人人歸惜
好春 去帆催細雨雨細催帆去屏曲幾峯青青峯幾曲
屏

臺城路

畫眉

東君愛仿閒情賦隔花乍聞嬌鳥夢帶梨雲魂驚絮雪啼
破一天清曉卷簾未了訝張敞風流淡痕誰埽歷歷輕圓
數聲容易綠窗遶傳言不須步障有鸚哥學語相對嬌
小選葉安黃依枝貼翠新樣十番爭巧羽毛多少向屋角
飛來遠山偏好遲爾雕籠富春春尙早

摸魚子

翡翠

愛園亭玲瓏竹桁文禽真箇如畫隔溪初試春衣影風裏
闌干低亞垂釣暇看戲遍芳塘一色蘭苕借雙飛高下便
翠幘紅鱗都無猜忌相對並閒治頻惆悵解帶風流深
夜鄂君繡被初卸碧城消息經年斷青鳥甚時來也桐樹
罇約幾點釵頭鳳子輕盈近花開花謝教隔了簾櫳閒陪

女伴同絮綠窗話

沁園春 鴿鴿

暝色池塘翦翦輕寒鴿之鴿之正教他吳語開籠喚早爲
誰楚舞脫幘來遲聞說歐陽綠陰滿院榆莢香中立幾時
雕闌近伴東鄰鸚鵡饒舌如斯晴皋刷羽參差聽小字
爭呼八八兒訝似曾相識風前柳絮不如歸去雨後桑枝
攜向齋頭一泓硯水青眼相看知不知閒偎著對煙波浴
罷半晌尋思

望江南

江南好生小住清谿陸子泉爭揚子水黃公澗比白公堤
揀得小園棲

江南好眞作畫圖傳梅里愛尋高士宅
蓉湖間數麗人船
濃淡總天然

江南好春思許平分翠麓亭前紅葉展
香花橋畔綠蘿裙
飛夢碧天雲

江南好遊興倚清酣學士溪山茶夢閣
舍人詩畫竹鑪庵
此景占江南

水龍吟

題亦齋丈環影祠樂府

廣寒吹下霓裳曲中再識春風面
馬嵬坡下香消人去
鞭塵猶戀白髮梨園紅牙菊部
一般哀豔倩雪衣學舞金衣
學語重翻出長生殿
常日清平應制問宮中
幾回歡宴
海棠睡足荔支笑
後梨花泣徧雨歇零鈴風高
羯鼓舊愁

成片向旗亭喚取銀尊檀板夜深相見

雙雙燕

杏花

紅樓十里正春雨江南笛家初譜賣花聲遠喚起一天香
霧好是畫中眉嫵早濕上鬢煙無數只愁鬧過枝頭冷了
餽簫粥鼓悽楚曲江歸路便回首蓬萊隔年音阻廬家
梁上燕子幾番低訴昨夜薄寒偏苦問沽酒客來何處眼
看朱玉牆邊吹送絳雲塵土

壺中天

牡丹

霞天錦障看翩翩鹿女蹋花來矣昨夜東皇親結束堆出
鏡中新髻藍尾空長綠腰太瘦合是君家婢紛紛姚魏阿
誰小字親記最憶亭北風流清平草罷聲許青蓮倚今

日貧家池館冷買得一壺春未霧眼慵看風魂欲墮愁絕
闌干地朝雲夢遠不知綵筆誰寄

江神子

薔薇

輕綃帳子卷霏微向誰移爲誰移買斷娉婷一笑是耶非
直待牆東煙月上牽翠帶脫紅衣 斷無人處惜芳菲莫
分飛又分飛七十二行吹下鳳皇機分取瓊漿和露灑煩
說與散花妃

昭君怨

桐花

一樹刺桐休折金井曉寒親切釵朶向人開鳳飛回淡
月朦朧如雪夢到惺忪時節梧子不歸來落蒼苔

醉花陰

秋海棠

銀燭燒春春睡醒風雨空階冷和淚種情根滿地愁紅生
到燕支井翠袖憑闌斜復整蛩語無人省腸斷又昏黃
一翦秋紗綠透西窗影

南鄉子

蕙花

豔絕北堂幽一院黃金散未收花意不知兒女苦風流笑
看鄰姬插上頭結佩最宜秋只怪蕭郎愛遠遊記得常
言名字好忘憂可要生兒似莫愁

沁園春

金錢花

黯淡籬花疑是牽牛貫來聘錢正枝頭飛去青蚨小小草
間灑落黃蜨翩翩待雨攤開因風簸轉只在蒼苔碧蘚邊
關心處爲秋光無價特地流連自來和癖誰憐算折得

羣芳勝得仙。恨夢回、潤筆紅裳。旖旎歌成，買笑翠袖踟躕。
昨夜佳人，鐙前暗卜，數過歸期。又一年、憑收拾、付妝臺選。
罷留伴香鉤。

鳳皇臺上憶吹簫

鳳仙

窗近談雞閣。鬪鳴花叢染出，深秋正滿。天風露人下，秦樓生小。女兒心性，拋清淚、都上釵頭低徊處。宮紗繫臂，一樣綢繆。風流是誰彈指，恨紅雨飄零，絃上難收。問麻姑仙爪，得幾生脩。莫便丹砂空擲，還須待羽客來遊。殷勤記求凰曲，好別譜閒愁。

南鄉子

蹋葉愛疎林。學得寒蟬斷續吟。眼見黃花都是淚，休簪綠

鬢如儂也不禁 湖水隔傷心背卻西風忍獨尋欲把一杯遙酌與休斟今日霜楓醉得深

三臺令

紅豆紅豆知否別來人瘦月明何處秦聲腸斷牆頭雁
箏雁箏雁記得那回相見

無語無語門掩一庭春雨峭寒簾幙沈沈銀燭燒時夜深
深夜深夜又是海棠花謝

燭影搖紅

病損東陽朝來獨擁青綾被一番輕暖一番寒總是愁滋
味好在翠簾烏几只片片冷雲如洗閒斟竹葉細嚼梅花
遣懷而已 猛憶從前玉笙樓角重吹起一聲清吹滿園

亭銷盡春魂矣韻字挑來曾幾早舊恨千絲難理綠窗殘
夢幾度尋看有頭無尾

金縷曲

得彥佐兄粵東札卻寄

雁信天邊繞是珠江幾行密字隔年封好書易浮沈何況
客卻說歸來期早也只算海中仙島路入羅浮煙更雨怕
天涯有夢都顛倒嶺外嶺互昏曉阿連詩句空生草苦
思量青鐙影裏昔年吟抱一自舊家池館闕賸有落花風
掃薦地把瑣窗寒了新綠幾重紅作陣破工夫打出傷春
夢聽樹樹杜鵑老

菩薩蠻

秋江白地肝腸斷風衣水珮都零亂一曲想夫憐當門落

翠鈿鴛鴦三十六箇箇煙中宿愁殺退紅多浣紗人奈何

邁陂塘

燕扇

碧叢叢芳心一卷蒲葵不要人寄露華煙翠分明在帶得
幾絲涼氣殘夢裏聽葉葉聲聲舊雨都拋棄懷中袖底是
沈約彈來王維畫出風骨冷無際西窗畔一片綠天猶
記有人臨過書未圓期總似團團月知否缺時容易秋至
矣試問訊秋娘可慣秋滋味金飈吹起剩白紵單衫青羅
小簾准作斷腸例

點絳脣

風雨離亭青衫濕盡無人管相思長短孤棹江天遠瘦

絕東陽衣帶今番緩腸應轉一聲河滿夢逐春波卷

賀新涼

京口舟中送虞旭岡北上

十五回重九恰今朝滿城風雨送君京口數到江天紅樹
影秋在短長亭候戀半霎篷窗坐守露白峯青圖畫好聽
雙雙檣燕留人又恨一片寒濤走眼看菱角成雞豆更
那堪外家梨栗舊情同剖七里橋邊重繫纜此景也思量
否記不起兒時分手後夜尋君惟有夢倚西風攀斷蕭蕭
柳且莫負茱萸酒

減字木蘭花

水仙

蒜山葱嶺種出根苗宜玉井姑射前身羅縵生來絕點塵
如何湘浦一卷離騷忘卻補移伴逋仙清比梅妻更可

憐

滿庭芳

天竹

鳳尾拖煙鶴頭點露天然竹影檀園圓期到了和淚走鮫
盤卻似拋來紅豆相思處翠袖蕭寒天涯遠者回霜信解
與報平安當年金谷樹珊瑚七尺敲向誰看怕有人低
折蹋凍聲乾一任昏鴉數遍雙棲約准待青鸞銀鐙底搖
枝冷碧清夢壓闌干

浣谿紗

翠暖紅香殢雨天春陰如水蕩秋千惜花人合受花憐
不道獨眠還有夢如何相見轉無言情魂銷盡畫樓前

水調歌頭

寄彥佐兄粵東

憶昔送君去春草謝池隈歸心今夜何處一十八灘來說
與羅浮夢裏縱使江南路遠翠羽好褰裊驛使幾時到寄
我一枝梅 蠻瘴地行不得莫相催嶺雲千里萬里懷抱
向誰開見說離宮煙樹只有鷓鴣飛去問訊可曾回我欲
飲君酒同上越王臺

金縷曲

簾

半幅湘漪翦鎮垂垂更無人處碧雲寒淺翠地妓衣扶不
定飛動隔花釵釧便抵得小重山遠剛是梳頭看未了恁
厖前晶押偏吹轉任蛛網等閒罥 舊家庭院追尋遍到
如今有誰料理杏梁歸燕一桁綠陰依舊好遮斷翠樓人
面只看取淚斑千點中有橫波曾入畫向秋江悔不尋常

卷茶煙裊落花軟

前調

簾

小字桃笙好最蕭閒空庭一夢水晶眠倒八尺風漪誰打
疊纖幅吳淞圖稿消幾許煙飄月抱賸有相思涼入骨伴
玉壺夜夜冰魂悄鐙影墮篆文裊藕花衾被鴛鴦惱遶
芳塘白雲留住是鄉人老不分疎簾同看奕空對楚天清
曉借仙枕合遊三島欲拂塵時秋又至儘波紋卷入瀟湘
早看落葉半牀掃

前調

扇

魂與秋搖蕩是誰家玲瓏玉手製成圓相翦得白蘋洲一
幅添與掌中波浪儘風骨幾絲飄颺還恐人閒煙霧重畫

秦娥簫鳳來天上誰爲我卷綃帳
齊紈皎潔渾無恙檢
空箱和衣疊在舊情難忘半面迴廊人似月記得團團初
障能幾日渡頭低唱從此西風憔悴甚怕芳姿不是當時
樣碧檻外起惆悵

前調

香

宿火偎金獸愛閒庭博山深處儘消清晝認取吳家心字
好釵腳篆痕紅透只少箇紫羅囊繡無分真真熏小像枉
教人坐到鑪煙瘦松影落翠濤走
蘅蕪夢裏曾盈袖記
年時階前伴月幾番消受今日荀郎縱顚顚衣上餘熏還
有怕說是返魂時候七尺重簾留未得任西風蕩起雲波
皺又繞遍棗花顰

點絳脣

酒醒風前斷腸人去關山曉昨宵草草一山江南好不
爲秋娘豈便傷心早何時了舊愁多少啼得宮鶯老

一翦梅

遊盡長堤更短堤柳外鶯啼花外鶻啼玉鞭笑指路仍迷
攜手樓西分手橋西九十春光醉似泥唱到清谿夢到
梁谿天涯心事不堪題明日歸期今日行期

江城子

箏船酒幔鬪嬌憨柳稔稔燕喃喃好是綠窗如夢倚清酣
多少倦遊心緒在眠又起似吳蠶尊前惟有舊何歡味
誰諳恨誰堪教唱杏花春雨望江南回首畫屏山六曲一

半是舊雲嵐

虞美人

燕昏鶯曉空留戀夢遶江南徧春花只自去年紅十二闌
干瘦了亞枝風忽忽走馬章臺畔側帽無人看幾時消
息到冬郎長向畫檐鈴語怨郎當

滿江紅

新綠

十里湖天把一桁翠樓遮卻牘幾樹疎疎梅雨畫中商畧
乳燕飛來風色淺雛雅藏得煙痕弱正碧窗深處打流鶯
閒偎著山眉掃新梳掠波面染重斟酌待東君嫁了盡
情相謔送我紅兒花下曲赴他青子枝頭約問鄰家春好
幾時歸秋千腳

薜倖

薜景圖話女郎絮絮題壁事爲填此詞

謝家人杳訝壁上香名誰掃記細語一星星絮小立夕陽
魂悄恁因緣剩粉零煙年年留伴花風裊早千疊柔腸十
分痴夢鎖斷畫廊春曉重喚起楊枝恨想白傅清歌多
少悵紅情綠意閒悵無分鬢絲幾日吹殘了湖山縹緲便
同心結就西陵何處逢蘇小愁他歸路一碧芳塘萍繞

點絳脣

掩上重門杜鵑聲裏人何處亂紅休舞識得東風苦
准備春遊爲了春城阻愁無數夕陽今古黃歇墳頭土

蝶戀花

江上平蕪樓上綠一派連天卻恨天天各悶掩畫屏山六

曲夢魂兀自無拘束
長日慊慊春睡足
做盡悽涼只在
闌干角胡蝶不來花自落
斜陽紅上秋千索

沁園春

脂

小小香奩買得燕支天然畫中訝南朝井底千年化碧西
家匯畔一夜流紅櫻口稱嬌檀心號聖暈入春潮便不同
輕縣溼怕圓冰激灩色退成空
桃花雪水溶溶忘不了
兒時醺面風更稱他郎意猩脣絕豔輸他女手獺髓爭工
的的塗朱盈盈點絳韻事平分到守宮閨風月待染成指
甲彈曲霜鴻

前調

唾

環珮聲遲寶唾遙聽鶯逢彩鸞恰石華袖上層層碧透靈

夢中花葉倩誰補 金釵幾行姊妹但聽商女曲各自悵
楚蘭草埋香桃花染血淚滴薜蘿無數芳魂何處只賸粉
零煙一丸黃土喚起秋風班姬相對訴

浣谿紗

陌上尋春只二分泥他草色上羅裙斷腸鬢影似文君
郎意不離三里霧妾身還隔一重雲門前皺盡綠波紋
百尺紅牆界眼前蓬山回首恨縣縣不成風月奈何天
未許薜蘿通半夢空教楊柳試三眠一番惆悵五留連

於中好

芭蕉

扇仙風骨玲瓏玉誰移近小屏山曲一封書好無人讀鎮
日裏秋心束 風風雨雨聽應足怪低語夜窗相續綠章

奏了天都綠莫也是彈脩竹

滿江紅

登雨花臺

擲拂空中笑當日天花多少我到也臺城十里冷煙殘照
有客尙尋瓊樹譜無人更上瑤壇掃問饑鴉終古爲誰啼
天應老碑碣斷牆垣倒鐘磬寂樓臺杳歎蕭家事業劫
灰飛了一夜長千餘落葉三秋短笛橫衰草向西風喚起
庾蘭成銜杯好

河傳

江館天遠月如煙隔院聽歌未眠雁行零落晚風前纏絲
十三箏柱絃知否冬郎容易瘦相思透一曲雙紅豆恨
迢迢又歸潮魂銷夜深長板橋

鳳凰臺上憶吹簫

題余淡心板橋雜記後

北里空談東華倦錄金陵十六重樓數一編舊話裙屐風
流寂寞幽蘭居士消磨了幾許閒愁教珍重斷縑零素簫
譜重脩 休休板橋西去看早晚棲鴉催送殘秋悵梅根
渚畔桃葉灣頭今夜孤鐙翦罷青箱卷屬付誰收拚痴坐
繁霜羅幕自擘篴篴

羅敷媚

今宵明月無情甚一片清光祇照鄰牆淒斷盧家玳瑁梁
隔江誰唱安公子偷得霓裳卻立回廊斷盡青谿曲曲
腸

不如掩卻屏山睡路繞瀟湘只苦更長喚起沙汀雁幾行

風前簷鐵聲聲語徹夜丁當迸做新涼孤負秋衾夢一

場

花天月地思量著只當尋常生住柔鄉慣醉佳人錦瑟旁
誰憐衣帶如今緩瘦損東陽依舊清狂側帽還看薄倖

郎

分明星月前頭誓百劫茫茫轉綠迴黃絲比春蠶一倍長
海天不信無憑準天樣紅牆海樣瞿塘多恐麻姑鬢也

霜

不堪更聽思歸引鳳笛淒涼說向秋娘蓮子心頭各自嘗
明朝又傍空江宿多少鴛鴦泊粉漂香那得雙魚到謝

塘

從今勘破鸞花劫離恨天長沒箇商量打疊吳兒木石腸
何當慧業消除盡畫裏蕭郎卷裏崔娘繡佛前頭一炷
香

浪淘沙

落葉下重樓暮雨颼颼病來和影說綢繆不是芭蕉窗外
語忘了深秋料理舊時愁藥碗茶甌無聊獨自倚香篝
二十五聲今夜點點點心頭

百字令

蟋蟀

清商吹到正聲聲寫入琴絲悽戾一片牢騷聽不得中有
悲哉秋氣金鎖愁深玉階怨古斷雨零煙地年年鐙火借
人離下空寄看汝捷足先登雄心易動突過螳螂臂畢

尚絅堂詞集卷一

七

竟草閒偷活在薄伎爭鳴何意蠅虎場中蝸牛角上千古
同兒戲平章事業至今圖譜誰記

臨江仙

貓

繡倦春閨誰伴取紅墮日暖成堆鑪邊叉手任相猜金猊
從喚住玉虎罷牽迴剛是牡丹開到午亭陰儘好徘徊
幾番移夢下妝臺買魚穿柳去戲蝶踏花來

雨浦

詠煙草

湘天濃暖問何年玉杵搗瓊霜翦取翠茸千縷分與紫羅
囊別是泥人風味甚溫柔偏在白雲鄉借蓮花舌底春愁
一點著意醉檀郎回首藥欄依舊恨風前不度返魂香
約畧當初茶夢留住九迴腸松戶竹窗何處伴清微詩思

暮空廊待桐君錄罷芭蕉小字付青箱

二郎神

絲風絲雨更堆上一天絲柳認門巷條條玉人何處閒殺
落花如繡卷起梨雲無重數剗地裏怕和春瘦試驗取春
衫紅都退了淚痕淹透 分手孤舟去也見時難又怪楚
夢飛來昨夜峯頭偏與眉間添皺燕燕掌中蟲蟲心上容
得幾多憊懣怕量盡天際春江載去離愁難覓

高陽臺

夢尾鐙紅情邊水綠斷腸又是蘭舟消幾帆風離人吹下
西洲春波依舊鴛鴦路甚孤眠占斷閒鷗慢回頭翠被天
涯冷了香篝 銷魂不是長亭怨是深盟玉鏡款語銀鈎

小疊吟箋匆匆著得多愁闌干膩雨還應在怕朝來梨苑
成秋等閒休團扇圓時何處秦樓

山花子

看盡屏間畫折枝茶煙癡坐鬢成絲愁聽隔林雙彈響打
鶯兒風雨白楊三太息煙花紅豆兩相思取次闌干閒
憶著立多時

冷到樓頭碧玉簫春魂一夜不堪招載得春人同去也恨
蘭橈但覺別情深似海何當歸夢信如潮一點離心流
得到小紅橋

闌干萬里心

桃花小塢閣重登記得年時坐雨曾籠上紅雲一點鑒思

書勝春夢模糊隔幾層

夏初臨

青豆

桑熟蠶初筍生燕後豆畦纔見連枝小字青青何如梅子
圓時筠藍喚賣吳娘愛春葱一束親持芳心的比他紅
豔別樣相思涼棚回首鐙火叢中清霜翦翦暮雨絲絲
山南采得尋常風味參差除是秋知配雞頭膩滑流匙儘
然其釜中休泣重賦新詩

惜紅衣

藕粉

玉井閒評冰盤細譜飲香誰數爲搗瑤霜秋來借仙杵粉
郎身世全不近個人眉嫵淒楚待約西家說空房心苦
輕調翠釜勝似芙蓉濃分小釵股紅蠶綠盃準擬領茶部

素手者番擎出猶帶滿汀風露問青蓮舌上一瓣冷雲誰吐

翦湘雲

蓮蓬人

翠蓋扶頭紅心徹底訝獨立斜陽解散羅髻香粉空來渾似夢鏡裏天然梳洗向秋江脫卻薄絲裳換綠衣黃裏誰念的的圓期亭亭竟體有碧玉迴身掌上堪比一夜飛蓬搔首恨隔浦西風吹起待空房重與結同心配并梧連理

賀新涼

送黃山歸試金陵

水閣盈盈敞記年時酒波卷碧幾重煙幌一面桃花梳洗處著個驚鴻來往正鴨綠平鋪如掌亞字闌干丁字箔映

斜陽脈脈堪凝想能幾日冒蛛網
枇杷門掩休重訪恁
風煙擁來翠被也無人賞從此春江花月冷閒殺桃家雙
槳更那得東船西舫空借孤篷眠夜雨一聲聲做盡芭蕉
響又說是暮潮長

釣船笛

隔院罷秋千斷了玉人弓印花外二分落照做一分輕冷
空階銷凝又昏黃此恨阿誰省胡蝶不知春去上闌干
弄影

蜨戀花

一架酴醾垂絡索沈水煙高裊過雲屏角蛺蝶和風隨意
逐渠儂也似郎難捉斗帳流蘇看不足翠被池中消個

紅鴛浴怪底夢來無約東楊花引得春魂熟

高陽臺

柳髮晞煙花鬢隱霧小窗殘夢惺忪送得春歸春人也爲
春慵紅樓一角無多路到愁來又隔多重忒匆匆閑了歌
鵲冷了游蜂舊家庭院簾垂遍賸吹殘薄絮唾罷輕絨
雲亘鑪香除非畫裏相逢湖山可是無情思甚朝來不上
眉峯誤芳蹤綠樹悄悄盼斷青驄

一翦梅

七尺風簾漾水紋畫裏湘君鏡裏文君朝來怕看石榴裙
酒溼三分淚溼三分盡眼征帆挂夕曛雁也離羣人也
離羣瀟瀟暮雨過江聞郎是行雲妾是停雲

生識字誤來多笑科斗半牀空覓

卜算子

疊就碧雲箋小立閒階
顰淡綠春山一段眉
窄地風吹皺
不見舊檀奴
水墨空盈袖
繡箇如來供榻旁
消受鑪煙瘦

滿江紅

幾葉芭蕉便翦破小窗風色
闌干外半庭寒綠爲誰團得
望眼昏時雅點礙愁腸
曲處蟲聲織更飛來片月
是離顏添悽惻
夢一帶楓林黑恨一派蘆花
白怕門前立盡斷無消息
春水曾從天上坐秋河祇向
人間隔任年年流盡好鉛華
無人惜

臨江仙

秋盡日泛湖

湖水不知花片恨和雪流夢迢迢紅泥亭子赤闌橋碧山
如畫一曲一停橈憶著年時曾被酒座中吹暖瓊簫秋
邊欲與破無聊人如秋遠秋去更誰招

木蘭花慢

插天湖柳碧渾不管曉鶯愁早紅被香消翠簾燭散人下
西洲匆匆幾聲絮語怕風吹不到謝橋頭輸與瓜皮艇子
綠波雙翦江流休休眉史記同脩小閣最清幽便鈴語
禁花杵盟負月悔了綢繆芳心縱窺團扇爲秦娥簫譜又
傷秋欲倩行雲一片替儂遮斷層樓

少年遊

棲雅只在莫江頭點點做成秋白蘋吹起綠荷折盡消得
客魂愁一聲雁櫓蕩煙柔搖夢下汀洲眼底天長眉間
地窄心上幾重樓

四字令

蕭窗碧箋苔階綠幾夢來曾抱秋煙是今年去年 秋雲
掃天秋河卷簾有誰同話秋邊算秋蟲可憐

翠樓吟

西日留雅南雲送雁秦樓十二天際綠波纔幾點做弄盡
風蒲沙尾秋痕搖曳只脈脈闌干和愁閒倚愁飄起畫檐
爭響佩聲同細歸未江上王孫正萋萋芳草斷煙千里
酒旗青不了待領畧天涯滋味鎮舊騰地想裏鴨池邊調

鷓鴣天
鷓鴣底秋山霽長亭無數定疑芳睇

鷓鴣天

魚鑰沈沈獨掩門無聊時節是黃昏
寒來恨葉梨花路種出愁苗蕙草根
纔入夢又銷魂薄衾誰更與溫存
相思一夜知多少手撥爐香看淚痕

湘月

燒鐙節近問誰家開取華堂絲竹春到故園春倍好夢邊
梅花書屋料得今宵屏風開處胡蝶深深宿澹黃月額有
人偷盡蛾綠回首天半西樓翠簾十二亂卷眞珠軸幾
日飛瓊飛去也吹斷一枝橫玉風影更依水聲解珮總是
淒涼出鄂君被冷客窗誰伴幽獨

鵲橋仙

別汪懋茲昆仲

濃雲擁樹濕煙堆柳離恨一天低鎖桃花潭水夜來深更
著個汪倫送我 被池翠薄鑪山紅冷負了五湖單舸明
朝愁殺落燈風對幾點春江漁火

菩薩蠻

江樓一霎帆如箭東風無計留人便落月在吳船隔江春
夢圓 三更潮又長人語空灘響那許不悽迷白門烏亂
啼

蹋莎美人

小姑山

雁影猶橫鳥啼未了峭帆挂破江天曉淡雲微雨夢飛還
恰好推篷看見小姑山 神女荒唐水仙縹緲珮聲不信

人間杳東風吹綠上煙鬟分送離愁一點到吳關

荷葉杯

夜泊琵琶亭

潮落潯陽江冷孤影欹枕不成眠一行楚雁下江天啼上
四條絃愁煞青衫行客亭側獨自聽成秋蘆花笑我早
漂流風雪在扁舟

幔卷綃

舟中望廬山作

絲煙飄盡絮雲擁到悞了江南岸正舵尾垂楊添幅春帆
消得幾程離情早判仙侶同誰美人獨自渺渺成河漢卻
隔著屏風有個匡君招手天半船窗卷幔名山好在香
鑪畔放一縷茶煙碧空篆徧晴雪又被東風吹斷畫裏餐
霞吟邊翦水總是閒愁亂待笑指秋期谿上蓮開繫纜重

看

減字木蘭花

楚山一帶點點傷心低似黛細雨孤篷春是愁中是夢中
雲波忽捲卻望江南天樣遠折得梅花人在瀟湘水上
家

青玉案

吳大帝廟

泊船燈火沙州市弔遺廟荒江址一夜短篷聲入耳風聲
如許濤聲如許不信英雄死江流洗盡石吳龍尚霸業
江東照鄉里三國幾家真父子鷹臺何處雀臺何處生子
當如此

清平樂

江天儻儻小極風前酒手把武昌門外柳細雨獨吟樊口
回看西塞濛濛移家合住圖中辦得一簑一笠明朝去
作漁翁

浪淘沙

鏡裏怨韶華滿鬢風沙春日到天涯
溼透青衫衫上淚不爲琵琶
惱殺楚天雅掩上窗紗斷無人處
夢還家一點相思紅豆小落了燈花

南浦

題吳枚庵易香詞

金荃舊譜有新聲一卷鸞瓏玲界出烏絲小字隨意寫雲
屏擬把紅牙低唱向筵前拍了又重停借名香炷就碧窗
影裏消受客燈青回首吟壇銷歇
臘年時春恨記星星

待千帆過盡細數舊旗亭殘月曉風何處甚天涯詞客
名飄零怕高樓一帶瀟湘歸雁有人聽聲中君詞中句也

長相思

客他鄉怨他鄉盡日春愁不自量春江如許長戀風光
惜風光暮雨瀟瀟馬上郎竹枝聲斷腸

安羅門令

朝來認是瀟湘色暮來認不是瀟湘色報道潮生重添纜
江亭側鴉幾點流水空蕭瑟天寒者般惻惻做春陰一
帶昏於墨楚人門巷條條記回首處早水隔山隔高樓天
半離恨千尺盡眼風波此際誰管江南客立斷垂楊陌

木蘭花慢

輕煙纔禁過堤上路又清明訝展齒紅稀裙腰綠斷負了
新晴山亭亂堆溼翠甚朝來無處著啼鶯賸有幾絲風柳
門前也懶逢迎 湖汀正好麗人行畫裏憶傾城記金粉
陽臺深眠淺醉若個才名三生自知分薄忍悽涼聽到楚
江情欲把紅紅譜記屏風不暖鵝笙

蜨戀花

啼鳥朦朧忘却曙六扇屏山好夢全難據幾日客愁無意
緒絲絲化作垂楊縷 郎蹋歌來儂又去燕子相逢只絮
傷春語送斷春人春幾許門前一尺桃花雨

八聲甘州

題姜松泉春水圖

捲湘簾如畫正梅天細雨罨江城是紅泥亭下尺書烹鯉

斗酒聽鶯說與圖中仙侶此景最分明拖出一灣綠柔橈
微行 指點吳淞江上想君家門外春水初生問碧雲鄉
裏甚日是歸程怕歸來重尋白石負年時二十四鷗盟安
排與松陵社好添箇詩名

高陽臺

憶梅子有作

綠已成陰黃將攸雨朝來閣住輕寒不道梅天誤人凭遍
闌干舊家櫻筍風光在料今番數足清歡最難忘雪樣精
鹽水樣晶盤 江南幾許閒滋味記玉纖新摘一點心酸
渴甚春來爲伊茗盃都捐思量小字青青好問圓期到幾
時看又教他覓句方回消瘦先揀

菩薩蠻

十三箏雁秦樓立酒邊舊事尋常憶金粉小屏山淚痕深
淺彈江頭風更雨吹送離人語莫倚曉寒天烏啼正可
憐

離亭燕

題顧橫波畫蘭

春鎖眉樓圖畫一碧湘魂真化翦得橫波成小影也當雨
昏煙嫁露葉尙如啼愁絕墨娥今夜南部煙花餘話只
看薜蘿山下金粉無情都退了減盡六朝聲價笑問卷中
人素素元元誰亞

南浦

鷓鴣

黃陵廟口記圖中挂席醉秋光不道曲闌相對煙暝小池
塘付與翠眉低唱莫喚他名字惱迴腸正幽齋如夢數聲

啼過裊斷鴨爐香 憶著越王臺畔便燕山嫁了怕思量
又是瀟瀟暮雨愁絕竹枝腔聽說行還不得恨相逢只話
楚天長看江頭飛去夜來明色破瀟湘

菩薩蠻

晚霽江上汎舟

簾櫳隱隱煙江面遠天如墨愁成片淚雨一時晴南雲無
數橫 闌干長十里紅入斜陽尾直到鷺絲堆地名藕花開
未開

水調歌頭

爲田小村催妝

江上好風月秋色在蘭房紅雲三十六幅幅繡鴛鴦妾
住燕支匯畔郎宿燕支山下各自占柔鄉爾汝曲能否窗
外問吳娘 薛家紙石家簾宋家香溫家玉鏡新製准備

賦催妝贏得章臺人說明日畫眉翻案京兆是田郎早晚
大歡喜夫婿入長楊

風蜨令

雨點收闌暑風絲逗晚涼家家屏上有瀟湘看見水荷花
影憶江鄉 鶴骨盈盈扇蟬紗薄薄裳愁他明月墮銀塘
分得青荷鏡子照鴛鴦

浣溪紗

過黃州

幾點蘆花一葉秋短篷風急雨脩脩夜來清夢落吳頭
烏鵲南飛何限恨大江東去幾多愁臥聽鼓角到黃州

夜行船

風帆翦破江流碧界長空一條飛白月色猶新灘聲依舊

斷岸客愁千尺 柔櫓咿啞誰聽得 高歌小坐危檣側 鶴
過江來雁橫天去不見羽衣吹笛

花自落

江岸冷隔浦落帆風緊天外蓼花愁弄影夕陽紅破暝
望裏碧雲千頃秋夢幾番牽醒漁父不來閒釣艇夜涼生
鷺頂

秋霽

舟中望峴山

紅峴秋高見一派疎林幾點殘照花尾餐霞槎頭煮水晝
裏獨來吟眺晉人風調清江如帶天然妙只少箇偕隱人
家相對鹿門嘯 當日說甚陸弟周郎銅雀前頭枉鎖昏
曉到而今荒臺無限呼鷹誰復笑劉表回首西風吹不了

山外天外待招孤鶴同來灑行酸淚把羊公弔

四字令

題吳湘人望湘圖

湘山暮蒼湘波夕涼湘帆面面衡陽有湘人望湘湘禽
幾雙湘花幾行湘煙湘雨歸航怨湘天路長
湘蘭正芳湘荷又香湘夫人是同鄉對湘亭晚妝湘簾
畫廊湘屏曲房添他湘管牀牀寫湘中九章

鷓鴣天

病榻閒參聚葉禪客愁了了識前緣屏間暮色橫新雁枕
上行雲送晚蟬風嫋嫋月娟娟女郎山下盼歸船一聲
柔櫓搖秋去夢落煙江不肯圓

邁陂塘

題陳靜涵蕭葭秋水圖

展生綃雲林短幅遙山低抹成黛分明咫尺蒼葭景中有
伊人宛在吟眺最好拉個漁師橫笛來天外夕陽鷗背約
畧似江南蘆花遠處秋影半汀碎 晴川畔公子丰標堪
繪一雙白鷺相對眼前別佇煙波賞不爲天涯鰕菜君且
待問一夜西風可要扁舟載高情誰會儘鸞脰湖邊鱸香
亭下三絕許君配

點絳脣

疎柳門前一絲絲是江南影夕陽煙艇立破沙鷗暝 兩
岸秋光草草愁難整無人省楚天淒緊雁雁西風冷

玲瓏四犯

雁字

雁背霜濃正平展秋林殘照空闊驚入平沙波磔幾痕斜

尚絅堂詞集卷一
沒安排水墨微雲早又怕亂雅塗抹直蘸破蘆花白曉飛
向楚天蕭瑟關河一帶西風緊便丹楓四山都脫依舊
是玫瑰砧杵只恨空城隔打盡人人圖稿寄不到箇人天
末待夜深吹上銀箏點點行行輕撥

荷葉杯

簾捲夕陽樓上凝望點點是歸舟分明秋字上心頭那許
不成愁說甚丹楓烏桕消瘦不似舊江干晚雅聲苦雁
聲酸一派做荒寒

尚綱堂詞集卷二

陽湖 劉嗣維 醉甫

箏船詞

臺城路

楚樓遮斷行雲晚江空欲離秋影情盡橋頭夢來水尾紅
入一鐙煙暝湘屏斜整算徹骨涼宵幾家分領只隔重山
冷猿啼上綠蘿頂思量舊時庭院賸年來華髮此恨應
省鴈雁箏前烏烏笛裏況是角聲孤引霜天偏迥問今夜
關河爲誰淒緊莫更憑闌酒風吹易醒

點絳脣

睡破梅花江南好夢重重掩一枝誰剪昨夜春痕淺
茅

屋空山舊約何時踐愁難遣楚波點點也礙離人眼

搗練子

煙漠漠雨蕭蕭江柳江花出埜橋水驛不知何處宿東風
人日又明朝

采桑子

一鐙做盡黃昏雨似說相思秋夢圓遲只有芭蕉葉子知
無聊立徧迴廊也風影參差秋鬢如絲不爲秋娘綠少
時

滿江紅

帆

打疊輕蒲儘領客楚天平遠恰剪出瀟湘一幅朝飛暮卷
細雨好畱橋燕住斜陽又送竿烏轉問名山千里可曾逢

圖中展 挂不了煙痕暖織不了波紋軟向天涯數遍客
程長短水驛三更霜角掩江樓一夜風鐙閃識孤鴻盡處
是歸舟離心滿

前調

鞭

芳艸萋迷直盼到玉驄樓畔君不見斷腸春色幾番重換
雲路著來渾未穩江流投去何曾斷趁綠楊陰裏綰輕絲
平分半 驢背雪橋邊看牛背笛村頭喚也何須更約五
陵遊伴歷歷鈴聲隨夢繞囟囟帽影和愁亂恰曉風殘月
好思量江南岸

陽關曲

一聲欸乃出前川水路斜斜望眼穿立盡風波郎不見三

又路口兩來船

前帆已入白雲堆
水尾山腰更不回
蕩得春江長幾許
搖枝柔櫓便歸來

齊天樂

醉蟹

鹿盧夜轉槽牀響
分明蟹簋纔脫苦甚
將糖甘成久釀
芒角詫伊都出滿盤
瑩徹便築箇糟邱也
應清絕信手持來
那知郭索與彭越
沉沉但眠畢
甕有酒人相對
塊壘同說愁已無腸
怨偏多口可是獨醒
時節醉鄉風月勝
剪得鰕鬚水晶宮
闕夢落空江一鏡涼
透骨

采桑子

桃花廟口兒家住
只恨蘭舟催散
清遊葉葉春衣
水畫樓

愁
柳邊新月飛來也恰上梢頭依舊如鈎祇隔簾櫳不隔

百字令

楚天屏障被暮煙堆上一重重紫短景催人渾似箭那更
峭帆風駛驛路疎鐘漁家遠笛幾點沙洲市水仙祠下離
心吹滿蘭芷誰念青翰舟中瀟湘夜色月冷嬋娟子縱
有塵緣忘未了怕檢豔詞香史倚酒推愁拋燈約夢客枕
寒如此春江千頃琅玕當爲情死

長相思

繫蘭舟送蘭舟一派離心各自流春江天盡頭風絲柔
雨絲柔點點春山隔畫樓春人愁不愁

菩薩蠻

舊縣道中

醉雲醒雨離亭宿
帶人楚夢屏山曲
細馬夜深馱籠鐙
看煞他楊枝長復短
妾意隨郎轉
郎自要銷魂
曉風吹出門

浣溪沙

抵商邱

歷盡山程又水程
五更時節一鞭行
自扶殘醉到蒙城
黯黯桃花村店馬
濛濛柳色寺門鶯
好春如夢過清明

南鄉子

春事已闌珊
一兩青鞋倦往還
記得故園風景好
憑闌薺菜花兒單布衫
兀自掩柴關
芳草無多忍再刪
却借一鞭樓上指君看
綠遍江南岸
岸山

金縷曲

送錢黃山之金陵

野店賒春酒送君行離觴草草醉中同剖我輩浮名漂泊
慣只算桃人土偶君去也那堪回首自愧家山歸未得但
一鞭夢遶江南走看帆影挂京口遊梁入洛飄零久歎
年來風懷減盡鬢絲都醜此去清淮淮上月曾照玉人攜
手也未必彩雲還有問訊桃家雙姊妹道舊時團扇銷魂
否唱不了白門柳

清玉案

閨蟬

無情碧到天涯樹都付與蟬聲去小曳孤筇門外挂柳陰
天半絲兒挂著一寸斜陽住蕭疎鬢影看看暮只向人
間飽清露記得停琴涼共佇畫樓倚徧曲廊立盡腸斷無

尋處

聲聲慢

題陳最齋讀書秋樹圖

据梧舒嘯選石彈碁蕭閒好箇山莊昨夜秋聲是誰寫出
歐陽安排筆牀書卷儘今番消受輕涼憑問訊有幾多佳
句分付寒蛩惆悵故園千里向青鐙孤館各自思量
裏相逢細看不似西堂牆陰願分一角但朝朝掃地焚香
吟坐久任吹來風葉半牀

瑤花

詠美人走索

花梢霧重柳脚煙垂壓秋千晴晝輕輕扶上看驚鴻來往
鞦韆生透紅牆西畔便悄把弓鞋量穀不防他裙底畱仙
天半瀟湘綠綰有時沙鷺翹來怕隔著秋江眼波先灺

細腰如許佩聲裏愁殺伊家消瘦銀河一線等風定月斜
時候問秦樓可有人歸團扇招將鸞袖

綺羅香

牽牛花

鹿韭庭空兔葵砌滿繡出秋容小圃引蔓無多竹尾亭亭
初吐掩芳景花塢全荒添韻事藥闌重補總輸與爛漫春
工滿山躑躅夕陽舞堦前風露清絕隔盈盈一水又看
河鼓淚滴人間離落綴來無數早架上昨夜黃時正牆頭
昔年紅處除非約天上匏瓜曉涼同訴苦

南浦

題秦端崖先生寒梅著花未盡幅

遠天如夢恁荒寒點出碧蕪村依約江南歸路昨夜逗春
痕報與枝頭消息問窗前小立幾黃昏料空山孤鶴月明

無主獨自守柴門 數遍旗亭長短向天涯我亦悵離尊
直待東風人日清怨與同論紙帳朝來依舊怪石腸不似
舊溫存莫圖中回首關山容易笛銷魂

金縷曲

月轉華鐙午照條條玉人門巷圓期三五春夢也多新樣
子綠暈紅圈無數有走馬章臺眉嫵人影如雲催易散六
街塵遮斷東華路城頭角忽悽楚 誰家院落傳簫鼓更
番番楊枝新曲柘枝妙舞有客憑闌腸斷盡一種閒愁誰
訴也枉殺東風圖譜料得寒梅應笑我道今宵不醉君何
苦蠟淚盡筆花吐

東風第一枝

詠酴楊梅

魯酒香濃吳鹽色豔爲他紅友傾倒解醒獨夜心情消渴
幾生懷抱君家味好只病齒人來應曉倩楊妃笑語梅妃
一騎荔枝休惱記舊日湖天放櫂堆鶴頂船頭多少愁
他肌粟生寒累我脣朱看飽柔鄉何處且辦取醉鄉同老
待明朝分配黃柑領袖洞庭春早

八聲甘州

題繡像浣紗圖幅

織鮫綃一幅怪針神奪過夜來工是西家邨上天然圖畫
出水當風洗罷茜裙歸去人影亂流中惆悵凌波襪只似
鷗鷺依舊春衫白苧想當初妙舞冠絕娃宮恨蘇臺沼
後網得五湖空待丁甯越溪兒女更買絲繡出小蓮紅憑
乞與裁成花骨別倩紗籠

金縷曲

題李永菴梅窩圖

誰剪鵝谿幅是江南一堆疎影繭窩新築比侶何郎官閣
好家在玉山之麓愛檻外亂峯斜矗祖笏滿牀書滿架坐
萬枝香雪中間讀只此事羨君足年來我亦思茆屋寂
憐他莫寒時節幾竿修竹依舊綠蘿庵裏月不分縞衣同
宿有夢也碧天成各此夜定知花憶我背東風獨自吹橫
玉春正在畫屏曲

沁園春

冰條

漏斷瑤天甚短長條丁丁不休詫十三鴈柱參差隔院一
行鴛瓦隱約當樓借水同膠和雲並櫛粉淚闌干界未收
斜陽外又雨淋鈴曲訴出閒愁紅牆隔幾番遊有無數

珍珠不上鈎記朝寒護處卸銀絡索晚妝洗罷敲玉搔頭
邊屋重看巡檐忽笑尙憶劉叉舊句否超超箸只尋常酒
債借汝來籌

前調

冰花

小樣壺冰顆顆勻圓天花散纔却分菱四照明波作骨爭
梅五出豔雪成胎刺水文輕鏤雲瓣薄也費天公幾許才
憑彈指是浮樞世界點化重來年時剪綵樓臺每背却
東風憶幾回有玉琴面古七條痕裂銅瓶膽小一片紋迴
晝只宜脂唾曾化碧除是春人出手裁闌干底訝江妃微
笑頃刻都開

前調

冰蘂

小小冰壺我愛先生生來水鄉怡蜀薑點上齒尖耐冷吳
橙搗罷爪甲畱香醯味輸雞鹽形笑虎腐盡書生寸寸腸
清涼界只酸醎風韻世外難忘年來清供山房早熟過
黃梁夢幾場憶畦邊買剩庾園冷落堂前劃斷蕭寺淒涼
辛白誰知卯醺亦得且嚼梅花與其嘗登盤薦配寒宵覓
句咀出宮商

前調冰鮮

冰上叉來此樂如何魚兮自知訝壺天舊約跳將玉尺脊
山後夜膾出銀絲盤擬辛開穴原內向風味平分雪色鱗
頭銜好笑一條冰上畱得相思天寒誰網西施向玉水
河邊問釣師勝桃花潭上鰕初肥日吳淞江畔鱸正香時

斗酒沽來尺書剖未分付
郇厨好護持閒題品傲郎官
仙鱸賜宴蓬池

少年遊

題朱少仙天寒有鶴守梅花照

柴門流水占清幽
家在小橋頭
翠袖風前縞衣月下同
夢到羅浮
如今畫裏相逢處
指點舊林邨
鶴影疑君花身似我
枉了幾生修

水調歌頭

我愛徐騎省
歌曲換中書
世閒萬事戲耳
請看上場餘
三日居然僕射
五日居然京兆
過眼幻乘車
呼我且爲馬
知子乃非魚
書咄咄號左左
悟如如清風明月
無價此外不關渠
一石淳于也得一枕
淳于也好其樂總于
于與我

周旋人吾自愛吾廬

題吳蘭雪新田十億圖

醉花陰

花院奉觴

花霧盈盈風豔豔滿院宜春面春也愛春暉一寸斜陽紅
上春衣線年來同是離巢燕借畫圖看徧甚日故園歸
天上桃花吹落杯中片

探春令

草堂索句

夢香庭院是誰寫出洗妝風露恰殢雲無影禁煙有約管
得詩魂住尋春不道天涯莫莫春歸又悞恁闌干一角
冥冥澹月照斷愁來路

闕莎行

柘塘春步

拾翠天低，蹋青路遠，橫塘日日春人滿。紅泥四面水中亭。
綠陰三尺，門前纜。午夢愁長，花風鬢短，春遊輸與春歸。
晚當時塘上，笑行雲如今更比行雲懶。

茶瓶兒

蕉陰茗詠

簾閣春陰如釀，箇雲煙有人供養。雲藍袖寫新詩，唱記得
在綠天天上。別來莫寒無恙，聽茶聲易成惆悵。風前只
看熏香像，早瘦到篆煙模樣。

更漏子

桐陰讀書

蟄雲輕檐雨細，一碧洗桐天氣。攤竹几坐茶坪，嫩涼衣上
生。蛩吟院烏啼館，秋夢比秋更遠。聽漏點和砧聲，背燈
愁到明。

風中柳

蘇山秋望

小小香蘇占得幾分紅
便秋林也如新沐蘇
臺山麓蘇隄湖曲更蘇門
嘯聲堪續舊盟還在指點
數間茆屋到而今倦遊應足
蘇僊清福蘇卿高躅倩蘇
孃織成圖幅

魚家傲

石溪鴈伴

天外鷺絲涼到頂
碧玻璃色成千頃
仙侶不來湖夢醒
搖秋影斜陽紅破蓮衣暝
二十四鷗煙水迥一灣舊雨堆
簪筍明日落潮歸定准西風
緊蘆中人上漁家艇

芳草渡

牛埗吹笛

煙嫋嫋雨絲絲
欹笠晚挂鞭遲笛
家風韻讓吳兒
君聽取牛背上兩三枝
垂楊陌芳草則著點牡丹深黑
憑入畫

更尋詩孤村遠斜日暮立多時

鬲溪梅令

煙隴探梅

一重春水一重扉思依依好在東風庭院見梅妃綠苔生
臥衣 隴頭人去是耶非夢稀微夢到和煙和月小疎籬
翠禽三兩飛

臨江仙

稻田聽水

萬綠平畦堆罷亞門前看飲吳牛煙橫雨直不曾休水田
涼處人影澹於鷗 泉韻泠泠高枕好當時我記清遊思
量多半恨扁舟五湖歸夢飛破稻香秋

金縷曲

題陳迦陵洗桐圖

卷裏秋聲送好蕭閒梧宮如水碧天初凍潔到倪迂須是

癖髯也風流伯仲此意只雲郎相共圖中洗桐人偷汲井

華三兩尺正庭前抱出先生甕疎雨滴玉堦縫百年彈

指槐南夢猛思量迎陵仙鳥幾場吟諷墨魄騷魂淪落盡

賸有雲煙堪供底處覓胡牀三弄喚起王桐花一曲圖有漁洋

題句問清聲可似當時鳳歌已闕飲須痛

水調歌頭寒食過北蘭寺

一百五寒食七十二長亭他鄉今日何日踢遍亂山青指
點北蘭蘭若幕入影堂深處畫壁畫冥冥竹外石泉響中
有冷煙停桑梓憶松楸恨恁飄零孤兒淚酒何許衰艸
沒遙汀極目斜陽欲盡又是晚鴉飛去點點古愁經一路
紙錢起鬼火散寒星

清平樂

萋萋春碧蹋破青鞋色客裏欲歸歸不得一路南斜煙直
東風挑菜誰家酒壺且醉天涯不見春人冢上年年紅
煞桃花

望湘人

櫻桃

借嫌霜壓樹蜀豔登盤櫻厨風景堪補鞞鞞堆殘珊瑚敲
罷零落絳珠無數拈不勝圓寫還愁破三三五五倚東風
莫打雛鶯畱飼小窗鸚鵡四月江南朝莫正綠陰青子
有人低訴算水國相思紅豆拋來應苦待攜翠袖更停銀
甲翻出魏宮新譜喚白家樊素重來一點歌脣輕吐

闌千萬里心

南徐道中

月落天涯長短亭兩三家店帶春星殘夢模糊酒未醒一
鞭停山在江南樹上青

菩薩蠻

秋衾不暖鴛鴦睡離亭坐擁如花醉含淚背燈彈畫屏愁
遠山 囟囟成惜別冷了關山月金鴈驛邊書鴈奴將得
無

前調

金手山園林春盡圖寫悼亡意爲填此詞

留春不住看春盡東風只寫春人影人去在春前那知春
可憐 園林依舊好一幅傷春彙春去儘徘徊落花和淚
堆

前調

春曉

廬井上銀瓶轉東風卷地紅雲滿深樹月微明夢已醒
曉鶯苔痕青十步總是經行路莫近碧窗紗有人愁落花

天仙子

米樓自楚中歸屬題蓮衣卷

落盡蓮衣紅十里鴛鴦夢冷秋煙裏有人天際蕩舟來愁
不已西風起月明夜弄瀟湘水

清平樂

烏啼人悄清淚知多少殘夜鬢絲颺不了一百八聲鐘曉
鈿釵誤盡塵緣瑣窗空泣嬋娟落得燈花都碎如何秋
夢能圓

一萼紅

蔡浣霞湖樓煙雨圖卷

倚樓窗甚迢迢波影綠到舊湖鄉界白成煙飄青作雨抵
他半幅瀟湘知耐了多番吟眺只畱雙冷眼付鴛鴦十二
真珠捲來天際應怕思量我亦夢魂飛去便山腰水尾
都是迴腸驚頂千絲鷗心一點等閒逗起淒涼擬準備風
前蓑笠問故人幾箇在漁莊空對桃花潭色憶著汪郎有

汪竹素
填詞

沁園春 畫叉

讀畫人來是耶非耶簾波界空恰秋屏閣上斜連了鳥春
山樓角誤響丁東小字呼鴉輕身比燕隔院秋千上幾重
爐煙畔配八叉敲句一倍玲瓏依然禪榻絲風悵當日
真真不再逢便拓殘鵝絹旋昏古綠懸來蛛網只冒輕紅

隱隱猶花連雲似夢放入荆關一幃中休吟眺怕江南到
眼關上房櫳

子夜歌

枇杷樹底畱春住櫻桃花底催春去去住不勝愁可憐春
盡頭清遊渾未省直到春城冷絲雨畫樓垂玉郎歸未
歸

桃源憶故人

春衣一桁閒庭院簾底秋波橫滿少箇箇人來卷隔了蓬
山遠梁塵封處歌聲斷歸燕雙雙誰管欲借玉笙長短
吹得東風暖

邁陂塘

陶鳧薌秋舫圖

怪空江蘆花飛斷白鷗還弄秋影秋來一幅悲秋譜都付
水天消領三尺艇更添段斜陽紅破離亭暝客愁誰省正
高臥滄浪幾家漁唱聲在釣竿頂憑招隱指點楓橋煙
景吳波隔了千頃輕眠淺醉年年慣風笛可能吹醒風又
緊怕小住鱸鄉歸信都難準峭帆孤引早新鴈橫空兩三
行字筆桂落淒冷

清平樂

吳白旆蒔菜園

蹋青堤畔兒女平分半挑菜歸來香不斷黃蝶滿頭飛亂
園丁何苦天涯風風雨雨橫斜買得一鋤春去還山且

種梅花

江城子

繼鳳圖爲蓮裳題

春園線影日初長
莫思量儘思量
拆得雙雙紫鳳
甚心腸
鍼又欲拈拈又放
須不是睡鴛鴦
年年苦說嫁衣裳
沒猜詳
試猜詳
要向誰家箇裏聽
求凰添段迴文能織否
封錦字問蘇嬈

翠樓吟

胡城東六安舟次得絕句四章風格清絕友人爲寫其意余賦此詞

鴈外雲濃鴉邊墨
淡秋光橫抹林表長
淮來短艇消受得
白蘋風飽共誰吟眺
只一兩三家水迴煙
遠柴門悄打魚人去
釣絲空裊誰料畫裏
相尋有荒汀斷岸寫
儂行藁舊遊渾不是
早放鴨船都歸了夕
陽多少便紅煞離亭
不成霜曉傷懷抱憑
君細看鬢先君老

揚州慢

俞董琴南寄懷

酒薄催冰燈深釀雪空庭惱亂荒雅恰故人書到一笑破
梅花記橋下春波別後橋都斷了煙柳空斜待思量影事
回頭隔幾重紗書幃琴南齋名何許道藥爐伴過年華便茂
苑迴黃蕪城慘綠各自天涯還恐寒江凍合今宵夢流不
歸家問曉風堤畔何人替拍紅牙

風蝶令

鏡水生新月簾波蕩遠天思量只在晚風前多恐楊枝入
抱便成煙替我扶殘醉從他笑獨眠分明心事寄三絃
難道不曾雙得不纏綿

風馬兒

園亭雪月夜溶溶正花也惺忪人也惺忪牽地簾鉤只當

夢兒逢重重 絳上春鶯語未終便鈴也丁東珮也丁東
疊得紅箋親把小名封冬冬

浪淘沙

天寒倚竹圓卷爲王鐵舟題

湘雨一枝枝若箇風姿看他袖薄費禁持眉到秋來容易
鎖莫放秋知 兀自爲誰癡小立多時碧雲無路寄相思
應有離心天外落吹斷參差

醉花陰

舟過南塘煙水合沓江南春影如在夢中樂
子蓮裳爲話昔年繫棹事惘惘今余懷也

天外層湖湖外渡渡口南塘路塘水太無情流過門前不
許鶯鷺住 岸柳荒寒三兩樹沒箇尋春處懊惱是紅船
不載春來載了春人去

減字木蘭花

過高郵

酒旗風色寫出秦郵天似墨一樣湖波過得江來綠幾多
春寒如許鴈櫓聲聲空外語響斷漁榔今夜吟魂宿水
鄉

百字令

旗亭燭短向清尊照破離愁千疊泥樣心腸收拾盡苦爲
閒雲相憶柳絮誰家桃花無主不似春時節篆灰易冷玉
釵一夜敲折當日扇角題名圖中寫豔抵死禁離別應
有東風知我恨吹得鬢絲成雪隄月尋歌橋霜約夢清水
空消息鈿箏何許鴈行三兩難覓

前調

河間道中和蓮裳韻

南雲停徧伴離程只分月殘風曉已是蹋青時節近可有

楚花能笑破寺猶鐘頽樓罷角啼得荒雅老憑高休望亂
愁積似煙草底事壚畔琴心牕前箏手幻影都收了盡
壁人來頭漸白蠟淚那堪重掃冷酒燒春殘灰撥夜腸逐
車輪繞玉鞭搖斷柳絲牽恨多少

前詞

趙北口疊前韻

十三橋畔似江南新水蕩來春曉添上輭紅塵一路總被
白雲閒笑柳髮全髡槐心半死斷送行人老羨他漁舍短
簑眠夢芳艸却憶南渡倉黃北征慷慨往蹟煙銷了今
日堠兵無箇事臥看酒旗低掃塞鴈衝寒昏鴉接影落日
河聲繞蒼茫立馬古愁飛下多少

昭君怨

爲李白樓題鴛湖並載圖時客揚州

打槳碧湖心裏煙雨滿樓飄起鴛夢一時雙嫁文鴛三
十六陂秋淺七十五亭天遠嘉興至揚州七十五驛無奈又西風憶

殘紅

醉花陰

邢江郭外感舊作

細馬春衫風色冷煙雨催成暝約略幾重門那日聽歌有
箇黃鸝請吟鞭半暉斜還整喚不春愁醒愁外是春山
山外桃花寫箇春人影

摸魚兒

花朝偕青士瀟湘泛舟西湖

甚東風湖心亭下綠波日日吹縐冷煙疎雨模糊甚釀出
心情如酒尋渡口是雙槳飛來恰恰鶯啼又替春僂僂有
一道裙腰踢青歸去草色總成繡花生日記得天涯攜

手落花間趁衫袖樓頭不獨春人老只看春山都瘦惆悵
久賸一樹桃鬟紅到斜陽後客魂斷否更天際闌干斷無
人處搭住幾絲柳

高陽臺

秋日重過補蘿山房

蕉格臨書苦文讀畫閒門最好深深空谷人家殢他翠袖
寒侵商量多少營巢燕占東風只有紅襟替沈吟花未闌
珊竹未蕭森五湖憶著閒生計怨鉛華流斷芳訊都沉
一綠鴛波等閒圓到鷗心闌干只合瞢騰倚怕他時煙夢
來尋病懣懣無限清愁譜入瑤琴

金縷曲

春莫偶步天橋歸途作此

吹上春蕪暖是東風替春料理玉鞭長短聽過餞簫芳思

歌枉煞六街絃管問艸際蝶魂誰欸碧簾新鋪三兩尺怪
波紋不似江南軟流水外馬蹄緩桃花飄出宮牆怨儘
低徊舊曾遊處酒旗輕展煙柳不由春作主牽得一絲絲
斷有無數曉鶯啼倦人影如雲催易散賸西山簾額尋常
卷燕夢繞楚天遠

湘月

已巳三月八日夜集計夢室湘嚴將之大梁離情惘惘爲詠遊仙客有填湘月半闕者余次其

韻得一解

冷冥冥地有仙雲二葉寄將芳思照見離人花下淚蠟影
能傳心事寶篆蟠香清詞鏤雪解得連環意吟成小立青
鸞應矯雙翅問訊他日珠宮盟星几月許我同遊未只
恐飛瓊飛去後寒甚玉樓難倚唐韻書空秦簫咽別嚮到

紅霞碎天雞亂叫海風吹夢無際

臺城路

用蓮裳韻爲周子春賦

相逢約畧山南北定情爭說繁簿義甲彈銀芳庚刻玉月
底曾修簫譜驚鴻飛度有湖上人來一雙雙數半面垂楊
曉鷺都怨卷簾暮周郎那時私語早鸞漂鳳泊準倚羈
旅弓印橋頭爪痕闌角消過幾逢春雨者番圖取便喚起
真真不堪重顧心字香殘夜深熏得否

水調歌頭

爲王海村題湖樓秋思卷

是墨是煙水人說是西泠不分峯影南北兩扇綠蘿屏
見故人題字都作斷霞飛去鴉點散零星無數倚樓客衫
上酒風生湖一面山一角儘消停微雲中有佳壻底事

早飄零二十四堆青冷三十六灣紅退七十五郵亭飛雨
不知處龍笛晝冥冥

能聽越吟否請賦浙江潮平添幾許離恨淚灑舊蘭橈損
了西施眉黛瘦了東陽腰帶紅樹也魂消秋鬢已如此愁
照碧迢迢僧樓磬酒樓板畫樓簫借君圖裏尋徧煙月
太無聊問訊同盟鷗鷺亦有相思猿鶴歸夢可能招依約
一聲鴈搖櫓出三橋

羅粵媚

爲屠菜塢題碧梧女士畫幅

無多粉墨蕭閒甚花爲誰容柳爲誰濃照影分明落鏡中
秋風不管人憔悴秋太疎慵人太惺忪綠怨紅啼似箇
儂

年時我亦飄零慣唱盡江隄夢盡湖西風露生生怨別離
卷中一雲秋魂斷墨也離披粉也淒迷坐掩孤燈不忍

題

綠意

爲吳蘭雪題蓮花博士卷

碧天娟淨正玉蓮世界畫闌閒凭底事鴛鴦和夢和煙翻
把水晶眠冷尋秋不是春江路瞥照見浣紗人影許開紅
時節歸來飛入五湖雙艇塵海風光閒省算甚日換了
荷衣消領驚頂涼多問訊西風可似年時青鏡郎心容易
珠搖蕩好分付露盤擎定怕橫圖亂卷波紋樓閣幾重催
暝

金縷曲

春莫偕樂蓮裳湯雨生
崇效寺看花和雨生韻

春恨銷何許寺門深綠陰陰地撲來飛絮牆角梨雲低徊
遍牋有殷鈴私語吹一霎冷冥冥雨十里高樓天如墨怎
寒鴉不帶愁歸去驢背客枉敲句年時記蹋瓊花土最
難忘兩三吟伴曉鶯啼苦堤柳新來都折盡何況白家蠻
舞飄不斷酒痕酸楚今日郵亭昏騰夢怕征衫淚也無紅
處空灑上小桃樹

湘月

爲黃花耘題三十六灣草堂圖卷

楚天如夢冷清清飛入半灣斜照枉渚迴汀三十六一曲
一波腸繞水約幫拖風催簟卷道盡閒懷抱騷魂何許愁
根種滿香草聽說江上樓臺湘娥倚處淚雨無昏曉一
點君山青礙眼幾葉征帆歸了斑竹飄煙綠華乘霧坐掩

孤屏悄鷓鴣啼過爲君譜出吟橐

聲聲慢

題胡夢湘夢遊圖圖記秋影樓舊游事也

橘霜斷白溝水餘紅分明影到秋邊脈脈闌干碧城十二
遙遙湘娥倚殘清曉問人間昨夢何年從頭認說黃絕入
道翠幃遊仙記得宮鶯啼處儘垂楊世界抱月飄煙山
綠如眉等閒吹墮樓前三生縱尋簫譜怕東風不暖瑤天
重喚起白門鳥飛上四絃

邁陂塘

白秋海棠便面

恁秋來闌干憑處爲他白地腸斷梨花落盡雲無影誤了
那回庭院簾不捲問春睡深深甚日風吹轉十分清怨便
玉唾壺中舊時紅淚難得一絲染尋秋路依約秋江人

遠曉妝如許零亂銀牆西角冥濛月無數冷煙低罨秋不
管任闌徧閒堦石髮蕭蕭滿露珠成串算只有班姬夜深
還見圓綠畫秋扇

清平樂

題改七香團扇小影

畫屏斜整添幅輕紈影是蝶是周渾未醒一握雨昏煙暝
前身月樣團圓泥他四百秦鸞便面相逢半晌也應秋
綠生寒

邁陂塘

七香又屬題采菱圖

甚芳塘圓波如畫秋來偏可人意荷花吹老藕絲嫩飄上
半灣涼氣煙艇繫喚菱角同來好與添雙鬢一奩幽思好
鏡畔尋香壺中買醉采采碧無際年時事拋盡明珠十

里吳歌才歇重起開紅艇子歸來後葉葉櫓聲搖曳晚也
未早牽斷衫痕夢冷鷗心裏開圖料理乞著片鱸香補行
蟬火拾翠晚天霽

一萼紅

爲手山題殿春詞冊

甚園池一顰豔影烘出冶遊時藍尾杯深綠腰拍緩泥他
青鸞絲絲彈與幾痕清淚怪輕紅不上舊花枝却怨豐臺
將離時節夢也參差雨葉煙條何許忽從君畫裏棖觸
相思秋眼都慵冬心獨抱傷春空憶微之依約當初庭院
問寒雲樓角傍誰癡只合玉盤盛露洗盡燕支

金縷曲

爲吳思亭題復園紅板橋詩
冊冊爲樊榭重浦諸老題詠

眼冷平泉路儘低徊舊家庭院昔年風露新綠半篙紅一

板占斷水亭煙渡算前輩風流無數五字詩成同脫手讓
山僧提挈盟鷗鷺珠唾落碧紗護吳郎領畧閒緗素說
前遊雪泥猶印却灰都誤衰柳斷橋何限好換了鱗汀魚
步賸一卷傷心詞賦六十年來舊傳怕磨人墨也從頭
蠹伴歸懼水雲暮

壺中天

吳香竺自粵東轉餉南來相遇邗江
屬題春帆細雨圖卽送其由浙旋粵

海天淥處被生綃剪到一帆雲氣分得清淮襟帶色誰識
箇中仙吏滄月裝書江風載酒小占閒滋味竹西歌吹虹
橋遲爾同倚絕憶鶯脰吟紅鴛心浴碧亭長金風記今
雨乍濃天外墨堆上故山雙髻柳驛人疎梅關鴈杳客興
方搖曳夜來涼夢不知流過灘未

江城子

補題彥佐兄十八歲時杏花疏影小照

杏花城郭影冥濛
畫圖中隔千重
畱得笛聲穿破小玲瓏
依約髯絲禪榻畔
吹過了卅年風
謝池一碧倩塵封
夢無蹤太匆匆
我亦觀河面皺怕相逢
彈與曲闌干外淚渾
不是舊時紅

高陽臺

題鄒茗香小照

柳髮堆雲桃鬢照水
江城一碧吳天
卷幔看來分明茶磨
山前筆牀硯匣閒生計
儘安排桑苧當年笑
文君髯影隨風吹落琴絃
畫圖絕憶平泉路
有湖陰斜抱高樹樓邊
拋却春山空思淺醉閒眠
竹爐餘篆清愁在
訝峯頭瘦了朝煙
寄吟窩竹影蕭蕭官舍如仙

賣花聲

爲翁星原書美人鏡影

風色怨飛花鏡裏盤雅曲闌干角路斜斜莫向影娥池上
立流去鉛華花底豔朝霞唱出雙了風光約畧孟珠家
曾是別來三里霧隔幾重紗

邁陂塘

夜來香

悄闌干曲池銷夏碧窗洗盡凡豔鼓鼓雅入羣芳譜恰傍
晚妝人倦看不見怪簾底花花葉葉渾難辨夜來尋徧正
綠意生香素姿抹麗釵朶綴成串閒庭宇最好單衫小
扇蘭畦不數新箭更無玉唾壺中淚小字靈芸爭羨風一
線剛逗著秋心不稱宜春面枕函壓扁待魚子雙開犀梳
半掠扶上曉雲顫

百字令

唐陶山齋中有連理木瓜一本繪圖以紀余賦此闕

黃磁石畔問瓊瑤誰報一枝連理葉葉相當情正頓硬語
盤空無幾並蒂花開同心梔結大有檀欒意齒牙沁冷瓦
盆清供如洗最憶矮几疎香幽窗小雪有箇人雙倚依
約敬亭山下坐酸甚客齋滋味薄苦研茶餘甜釀酒且遣
閒生計海棠梢重燕中有海棠木瓜添他風致搖曳

臺城路

數聲秋鴈搖空櫓江湖者番歸矣梧葉風初蓼花露晚此
處不堪凝睇曲闌閒倚只舊夢重尋軟紅塵裏如此霜天
蕭蕭鶴背甚行李湖鄉別來逾遠算山腰水角清興誰
理榆社炊荒秫田酒薄依舊客愁千里補蘿屋底問衰柳

經秋可勝眠起漫數歸期鵲聲簷外喜

江城梅花引

寂閒庭院有苔陰畫中尋夢中尋不道小闌干角已秋深
曾是畫簾垂翠地簾畔路裊爐香伴獨吟獨吟獨吟思
沉沉故鄉心故園心盼也盼也盼不到石屋橫琴枉了水
如環珮月如襟只索挂帆江路遠離落下宴重陽菊一簪
菩薩蠻

秋空一月中庭白竹梢不定搖吟魄繞樹忽驚鴉捲簾河
影斜欲尋歸夢語夢也涼於雨莫唱定風波風波將奈
何

齊天樂

萬齋七夕

銀灣流斷鉛華色
星期夜闌空渡水
淺橋橫樓高幔卷
不記新秋來路闌
干迴顧問乞巧庭
中更誰調護却下
簾波不堪消受此
風露天街清景何
限賸閒情脈脈蛛
網粘住笙約雲中
譜修月底只恐綢
山仍誤匏瓜無數
算天上人間客愁
休賦獨掩湘屏珮
聲悽竹戶

杏花天影

唐栗生菰蔞軒有聯杏一株余爲賦此

牆東閒畫相思影
正春到文君舊井
一株連理倩何人
管領只廬家雙燕
省桃根艇是誰嫁
杏花笑此日東風
薄倖笛聲飛過向
紅紅破暝怕江南
酒未醒

醉太平

栖香滿林流鶯亂
吟泥他絮語窗深
是春風小心空庭

綠陰低枝翠禽怪來三逕惜惜有前時夢尋

清平樂

簡女校書杜季蘭

疎屏曲几人面來花底依約隔花人可意一剪橫波千里
偷聲小按玲瓏簾鈎也自丁冬欲譜杜紅兒曲除非背
寫東風

湘月

追題阮山兄秋院填詞圖

金荃譜上被詞人吹出一痕湘月風外髣髴絲禪榻冷唱入
梁園殘雪桐尾音空蕉心響破松鬚增盤屈朝天夢裏蓬
萊何處瑤闕賸有麝帕閒情鵲笙活計一種離愁鬱秋
院那知秋隔世贏得秋懷超忽簫譜誰修笛家自按懷斷
關山缺江南不見聲聲檀板飛越

高陽臺

題綠梅影樓填詞爲羽素女士賦

春影飄青冬心束素高樓只隔仙鄉依約闌干有人消受
昏黃翠禽啼破羅浮夢問誰家苔徑蒼蒼數南枝水驛書
來畫裏瀟湘碧城十二閒拋却記年時老鶴冷守丹房
背却東風圖中不省疎香天涯一笛吹愁墮讓詞仙嚼出
宮商伴清吟流水聲中細咽寒簧

前調

題汪均之玉帶樓圖

鴈外雲淒鴉邊日澹不知何許吟秋天際思量有人倚遍
高樓分明海國漁家唱雲時間譜入贛洲借松風一片宮
商驚起閒鷗華年似水銀河夕數明星幾度手卷簾鉤
欲飛鵝笙如今綺語都休天涯亦有門前路恨旗亭接到

涼州向圖中添尺孤筇結箇清遊

邁陂塘

題戴竹友銀藤花館填詞圖

憶園亭銀藤如畫訪君曾向圖裏年時簾戶悄悄綠夏淺
春深聊憩花也未約畧是雙聲疊韵初吹起者般滋味有
菱角鬢嬌柳枝妓偶點綴此天氣憑商畧麝怕鵝笙活
計箇人恰擁羅髻笛中正唱紅紅曲合趁秦樓間倚紉扇
底好借取後堂絲竹分明記秋風至矣想海屋黃封油窗
碧暗對鏡可人意

念奴嬌

汪均之屬題荔支圖冊內按楊妃生日事

圖中微笑似當年扶荔宮開時候唐禁也知人病齒未必
楊妃依舊鼓近催花車遙擲果記得長生又沈香閒倚添

鴈恰好深侑 聽說萬里楓亭擘箋譜出芳氣霑襟袖十
八娘來風韻好只是白肥紅瘦南海方甘東風正苦一樹
容消受萋迷望斷天涯草色誰繡

翠樓吟

殘菊

離落難支簾櫳易卸西風冷侵懷抱黃花知更淡正逕裏
霜痕濃掃爲誰枯槁想故里柴桑不如前好闌干繞畧同
人瘦夕餐偏飽 懊惱菊枕詩名有晉時明月寫成行藁
細看禪榻畔早一樣鬢絲將老晚香多少待老圃尋來秋
都艸艸何曾了閒階泥醉酒瓶顛倒

兩同心

冬蕉

送瀟瀟雨畱得冬心閣外響借來春夢砌旁路滴碎秋陰

難忘處一卷芳筒綠字惜惜天際何處歸簪敲過疎砧
歎扇影空將風拆問書信只分更深窗前意拚箇無聊對
雪沈吟

珍珠簾

雪影

亘寒小閣畱香住拓窗紗認取天涯來路松頂正微茫定
幾番煙霧十二闌干空際迴忽飄到化人仙步延佇正羅
襪凌波立殘翹驚想見折簡當初有梁園賓客舊時詞
賦小坐佛堂深恁一燈紅炷聽說碧城千萬曲又無數風
姨迴護吹度待補入纖毫卽成紈素

玲瓏玉

雪聲

碎踏瑤瑤想門巷一徑深深竹梢漸折墜來清響難任莫

管階前山凸任袁安臥處傾耳希音誰侵笑陶家茶沸不
禁料得寒江罷釣有漁翁一笠儘意孤斟冰簷參差誤
人閒宮漏沈沈還疑灞橋驢背恰無數尋詩客到斷續高
吟且閒坐入空堂遲彈玉琴

婆羅門引

菩提紗經冊

佛龕月影坐來只隔一重紗不知驚嶺天涯分得貝多葉
葉彈指與拈花正聲聞幾許細字橫斜非耶是耶笑彼
岸望曇華照到圓燈夢破異樣袈裟方空何限卽此是禪
悅小名家依樹底當數恒沙

邁陂塘

用稚圭冬至夜憶舊與琴南
及紹銷寒衍石齋中同作

剪銀燈銷寒清夜閉關慵覓佳句年時同選蓮牀話一霎

飄零成雨愁幾許正冷巷閒門雪影渾如絮聲聲柝語更
酒不勝杯吟難向硯那得舊情趣真飄泊同憶曩時伴
侶鴛湖鶴市歸去南中儘有尋詩興祇奈天涯無緒書寄
與道二兩晨星以下多楓樹夢無重數只汾雁高飛滿衡
帆遠挂亭向猶是望煙霧

菩薩蠻

玉笙吹處高樓遠經旬不放遊絲展柳外喚新鶯捲簾春
一聲妝成聊對鏡鏡裏窺端正且莫倚闌干闌干正暮
寒

東家姊妹過三五相邀陌上喧簫鼓生怕蹋春陽恐他春
斷腸雙雙新燕宿絮語泥初築坐久拓窗紗未應愁落

花

年來春鴈書難定
王昌消息渾無訊
近井莫窺妝
東鄰正隔牆
爪痕深劃竹
遠步尋空谷
且自颺春衣
等閒蝴蝶

飛

春旛綵勝門前颺
紙鳶忽起從風上
不信已天涯
小樓無數鴉
空階閒鬪草
怕得傷春橐
歸去夕陽斜
柳絲底處

家

銙花一笑金錢擲
陰晴已卜春堪識
明日曉光晴
簷前聽鵲聲
春魂如酒漾
獨坐梅花帳
特地下重幃
春人和夢歸

秋霽

借申受姪過趙象庵年丈晚香亭訪菊

山徑秋高正香晚亭邊護菊猶影綠意迴闌紅情點砌步
到這般間冷筍鞋斜整壁間畫古真堪隱只怕是簾卷黃
花風信夜來緊當日便見一二園丁汲水煎茶牽夢初
醒到而今攜將禪榻繡囊慵倚更消領想煞東籬斜照暝
煙外雲外待招遠客歸來折花尋索借遊絲引

摸魚兒

衍石同年將遷居於西城根宅中有
小齋名之曰鴈影菴余爲先填此詞

望潭心峯峯回雁天涯吹落清影門前檐語搖空響恰見
幾行斜整雲外引正字字憑虛鴻爪飛還緊雪泥誰省是
漢帛封來秦箏彈斷處處更孤迥長安住題塢年來漸
冷不知仙掌曾準近聞戶口都流蕩城畔者番消領歸思
醒記江上銜蘆伴侶方悽警嶺旁看嶺想目送天邊心牽

塞外獨立到昏暝

慶春宮

去臘而石贈稚圭水仙數本花事既畢緘置
牆角久且忘之雪窗偶一檢視抽葉已寸許
矣用碧山水仙詞韻成闕余亦和之

銀蒜簾垂玉葱檻亞隔年曾見微雪牆角塵多籬邊石冷
香心寸許堪捻水僊祠下想羅襪凌波話別空餘粉本一
望亭亭佩影都徹花房小刼匆匆根葉多生者番清絕
黃淡將吟綠肥入畫佇待風前成結移來磁斗莫便放簪
頭易折春泥擁去畱伴窗紗歲寒停月

邁城塘

題水繪園金姬人畫幅中寫繡鞋詞一解

甚江心湘中閣畔年年水繪如畫春來已是漫天絮不道
拋毬新罷衣正挂恰想見當初圓玉魂應化定情纔話待

喚紫雲來唱楊枝去樹底繡還暇
休園事來鶴閒亭曾
逐蛟門舊日聲價謂汪蛟門贈詩事
分明小苑重評過值得扶來
裙衩深柳罅聽幾處鶯喉轉向東風罵與誰來也只翠蝶
疼癡紅蜻惜退不許粉先謝

浪淘沙

秋蟬

門外易斜陽一片清商殘聲還向別枝長任是行雲畱不
住繫了秋光倚樹罷思量扇底新涼高槐古柳憶江鄉
薄髣蕭蕭無定處風爲誰忙

尚絅堂詞集卷二終